

隋

史

斷

南宮靖一 著

中華書局

隋史斷

此據學海類編本
排印初編各叢書
僅有此本

隋史斷

宋 豫章南宮靖一仲靖述

隋之得國。本自後周。然其接東晉。紹正統。則實在開皇平陳之後。文帝以宇文異姓之親。受周主托孤之寄。當揆輔政。不能匡主庇民。乘時幸釁。遂竊周鼎。王謙據巴蜀之險。王謙子爲益州總管。以父于受周恩。舉兵匡復。期月底平。尉遲迥舉全齊之衆。迥爲相州總管。以所管諸州起兵。齊皆從之。一戰就戮。亦天幸也。於時江左未平。南北未一。帝奮其威斷。銳意伐陳。賀若弼拔京口。韓擒虎拔豫州。晉武帝於無湖立豫州。非河南之古豫州也。遂入建業。而陳亡矣。開皇九年。隋既滅陳。於是始得進承正統。自是而後。方且躬節儉。平徭賦。每旦視朝。日昃忘倦。居處服飾。務存儉約。性雖吝財。然至於賞賜有功。亦所不靳。乘輿四出。路逢上表者。必止。替親問。分遣行人。探聽風俗。吏治得失。民間疾苦。罔不垂意。邈近關中饑。每年遣左右視民所食。有得豆屑雞糠而進者。必流涕以示羣臣。深自痛責。至於微膳。勤勞思政。五品以上。引之論事。宿衛之士。傳餐而食。當是時。倉廩富實。百姓繁庶。衣食豐衍。突厥。靺鞨。林邑。高昌。女國之屬。莫不稽顙稱臣。奉珍入貢。可謂盛矣。然帝素不學。而又濟之以刻薄之資。是以專任小數。而不悅詩書。廢除學校。而禁毀佛像。又任情殺戮。以察爲明。甚者以讒言廢太子勇。以小過殺秦王俊。而父子之恩滅。爲獨孤。后所制。單騎出走。中夜不反。獨孤后殺宮人尉遲氏。帝大怒。單騎出走。入山谷二十餘里。而夫婦之道乖。囚勇於東宮。付阿摩。晉王掌之。而兄弟之倫亂。殺李君才。君才言帝寵任高顯太。戮虞慶則。慶則婦過。帝怒。以馬箠撻殺之。戮虞慶則。則弟趙什

柱誣告慶則謀反按驗坐死元勳宿將誅退賂盡殺王世積而君臣之義莫有存者迹其篡國之初親如愛女亦非其所爲至於不肯降志周宣帝后楊氏帝女也然知父有逆圖意頗不平形諸言詞及禪位憤惋逾甚隋主欲奪其志后誓不許乃止儼然與漢后之視王莽者相類漢平帝后莽女也莽篡後其後太子諸王陰謀擠陷之罪又譖劉王秀視父兄如路人蓋與梁武之諸子異姓一轍也他年寢疾追東宮兵甲帖上臺宿衛盡出後宮獨留腹心入侍而大禍遂興身亦不保善乎前輩之論曰隋有天下無功無德特以姿相奇偉與蕭道成同而亡國則有二焉一曰隋文以胥吏治國二曰獨孤后以妒忌治家如是而已矣煬帝弑君父而立當前星方升之日天下地震立煬帝爲太子是日天下翼不謀同時亂證旣彰覆亡可必嗣政之後自以地廣三代威震八紘負其富強之資思逞無厭之欲小二帝三王之規模嘉秦皇漢武之制度內懷險躁外示凝簡盛衣冠以文其奸除諫臣以護其過荒淫無度法令滋章螻蟻人民沙泥金帛耗儲峙於玉門略西域經柳城之外頓師徒於陰山遼左之遠徵天下之宮洛陽大業元年命楊渠通濟復自板渚引河入汴引汴入泗以達於淮又開邳溝入江狩楊越巡朔方大業三年帝北巡次榆林衛斬刈民力殺掠甚衆四海之人扣心怨上又猜忌羣臣無所專任先朝元老發賀若弼藩邸舊臣殺張衡或惡其訐直或忿其正議求其無形之罪加以刻頸之誅其餘無辜受戮者不可勝計政刑紊弛賄賂公行正言壅底道路側目隋氏之亂已潰裂而不可收拾矣俄而元威倡黎陽之亂元威楊素子突厥有雁門之圍大業十一年八月帝巡北邊始畢加之師旅因之以饑饉於是相聚爲盜蝟毛而起大則跨州連郡稱號帝王小則千百爲羣攻剽郡邑上下苟安交相蒙蔽自謂鼠偷狗盜不足爲虞縱虺

爲蛇。莫肯念亂。於是李密、稱魏蕭銑、稱梁竇建德、稱夏王世充、稱鄭薛仁杲、稱秦與夫武周、姓劉、稱定黑闥、姓劉、稱漢之徒。皆磨牙搖毒。以相吞噬。故皇輿往而不返。而有江都之弑。唐公李淵兵入長安。立代王侑。即恭帝。煬帝之孫。立二年。而爲帝。當是時。四海土崩。羣盜蜂起。雖欲爲隋。庸可得乎。迹其禍亂之原。尋其覆亡之兆。楊堅得國之初。不越月間。既廢其君。又戮其族。使宇文氏灰飛煙滅。蕩無遺燼。近代滅國之禍。未有若是其烈者。楊廣當父病革。淫烝父妾。行甘鳥獸。曾不旋踵。弑父殺兄。禍出不測。逾年之後。一日而殺其猶子者七人。長甯王。屠戮之慘。亦略相報。晚年身死人手。至撤牀簀以裹屍。受禍之烈。亦前代罕有。語曰。君以此始。亦以此終。隋祚之不長。未爲不幸也。隋之創業。大抵與秦皇略同。而其再世亡國。亦如之。然秦皇焚書。而五帝三王以來六經之學遂亡。隋皇焚讖。讖緯之書。起於東漢。云孔子六經之外。復修七緯。蓋偽書也。文皇盡焚之。并禁私藏。而秦漢魏晉以來。識記之學遂亡。其利害之相反。亦足有可稱談者焉。隋之有天下。凡三主。三十年。起文帝開皇九年己酉。唐取之而亡。訖恭帝義寧二年戊寅。